

「工作狂」佘詩曼單身多年，一直相信緣分天注定。她覺得年紀越大，追求的事物就越不簡單，故渴望找到一個可以好好溝通的靈魂伴侶，並承認喜歡叻人：「希望對方可以令我進步！」



佘詩曼與吳謹言合作《延禧》後成為好友。資料圖片

擇偶條件越來越高

想搵靈魂伴侶 阿佘最愛叻人

視后佘詩曼與內地演員陳坤昨日出席珠寶店宣傳活動，不過陳坤未有接受傳媒訪問。阿佘受訪時自爆四五歲就很貪靚，嚷着要媽媽帶她去穿耳窿和戴耳環。當她長大做暑期工首次出糧，差不多用了全部人工買心形鑽石耳環獎勵自己。問到是否人越大買的鑽石越大粒？她笑言：「咁要問珠寶店攞折扣喇！不過都會適可而止，做嘢辛苦都會買少少獎勵自己。（有冇男士送珠寶畀你？）我話冇你都唔信啦！屋企人都有男仔嘅。」

提到與她合演內地劇《延禧攻略》的吳謹言與洪堯驚爆結

婚，阿佘指兩人由好朋友開始發展，順理成章結婚也是好事：「佢哋好襯，我有啲通訊群組同佢哋聯絡，反而見面好難，因為大家各有各忙。若然冇撞期嘅話，佢哋結婚擺酒我都會出席。」

唱歌捨易取難

單身多年的阿佘可擔心被催婚？她笑言：「唔怕，因為問都有用！我依家以事業為重，遇到就遇啦！我覺得拍拖係點綴，人越大要求就越唔簡單。我注重溝通，希望搵到一個好好溝通嘅靈魂伴侶，再貪心啲就希望對方可以令我進步，所以我鍾意叻嘅



陳坤出席珠寶店宣傳活動，但未有受訪。

人。」至於出席聚會時，可會叫友人介紹「筍盤」？她笑言：「有冇

嘢都被人攞晒啦，緣分天注定。」

問到何時開拍《新聞女王2》和電影版？阿佘表示最快也要明年年初開拍：「聽聞係先拍電影版，不過我仲未收到劇本，只知《新聞女王2》會有新演員加入。」提到阿佘早前為林峯澳門騷擔任表演嘉賓，她笑言做一次嘉賓已足夠：「都係自己衰，原本可以揀一首易唱嘅歌，但難得有機會，又覺得鄭秀文嘅歌好聽，雖然難唱，但不妨試吓。（林峯畀你超過100分！）佢夠膽唔讚我？0分都要講100分！」

阿佘相信緣分天注定，不心急拍拖。



倪樂琳 撐梁嘉瑩有批睇

應屆港姐冠軍倪樂琳、亞軍梁嘉瑩、季軍楊梓瑤及友誼小姐王汎文昨日出席贊助商領獎活動，提到有傳梁嘉瑩在內地宣傳港姐時，鏡頭後經常黑面及向倪樂琳批睇，梁嘉瑩否認說：「因為當時時間緊迫，工作人員催我走，我都見唔到倪樂琳，可能當時我皮膚黑同比較叻，冇笑容就俾人誤會黑面。」倪樂琳說：「我都唔知俾人批睇，如果批到我，我都會黑面，證明佢真係唔小心。」另有傳梁嘉瑩暗寸吳芷靖家境富裕，明年可以再來參選，梁嘉瑩否認有說過相關說話。



左起：王汎文、梁嘉瑩、倪樂琳與楊梓瑤。

廖慧儀食極唔肥 即興扮美人魚

無綫小花彭慧中、林秀怡、梁凱晴、梁超怡與廖慧儀主持的旅遊飲食節目《吃貨橫掃港深珠》，將於下周一晚上10時半在翡翠台首播。她們花了逾40日玩轉香港、深圳及珠海，落力搜刮符合港人口味的食買玩指南！

5位小花雖然全程食唔停，但拍攝性感唯美鏡頭時，個個身形都弗到漏！身為「瑜伽達人」的廖慧儀扮美人魚潛水，大晒食極唔肥的完美身材！她又在水中接受頌鉢治療，非常寫意。談到相關演出，廖慧儀笑言是導演即興要求，唯美效果全靠幕後工作人員全力協助。



廖慧儀於節目中盡情暢泳。

廖慧儀於水中接受頌鉢治療。

黎瑞恩閉關練排，誓以最佳狀態開騷。

黎瑞恩個唱歌衫有驚喜

黎瑞恩（小恩子）將於10月19日及20日在西九文化區戲曲中心大劇院，舉行一連兩場個人演唱會《V Union 恩賞·演唱會2024》，久未舉辦個人演唱會的小恩子表示：「之前優先訂票反應熱烈，我收到消息後非常高興，十分感謝樂迷支持。呢段時間我加緊練習，做出200%努力，回饋樂迷對我嘅支持。」是次演唱會籌備時間不算長，但整個團隊都費盡心思，例如舞台服裝，希望為觀眾帶來視覺上的衝擊，看到一個令人驚喜的小恩子！

